

**Broj: UP/I-05-17-588/19**

Mostar, 23.12.2019.godine

Federalno ministarstvo energije, rudarstva i industrije, na osnovu člana 200. Zakona o upravnom postupku ("Službene novine Federacije BiH", br. 2/98 i 48/99) i člana 19. stav (1) Pravilnika o utvrđivanju uslova za obavljanje periodičnih pregleda, mjerenja i ispitivanja na elektroenergetskim postrojenjima, električnim uređajima, električnim instalacijama i izdavanju isprava ("Službene novine Federacije BiH", broj 18/15), rješavajući po zahtjevu privrednog društva „**MULTITEH-INŽENJERING**“ d.o.o. Zenica, sa sjedištem: ul.Envera Čerkeza broj 2, Zenica, broj:11-10/2019-KM od 11.10.2019.godine i njegovom dopunom od 09.12.2019.godine, u predmetu utvrđivanja ispunjavanja uslova za obavljanje poslova periodičnih pregleda, mjerenja i ispitivanja na elektroenergetskim postrojenjima, električnim uređajima i električnim instalacijama na elektroenergetskim objektima i građevinama i izdavanju isprava, donosi

## R J E Š E N J E

1. Odobrava se privrednom društvu „**MULTITEH-INŽENJERING**“ d.o.o. Zenica, da u okviru registrovane djelatnosti može obavljati slijedeće poslove:

- ispitivanje funkcionalnosti elektroenergetskih postrojenja, električnih uređaja i električnih instalacija,
- primarno i sekundarno ispitivanje električnih zaštita i zaštitnih releja svih vrsta i svih naponskih nivoa,
- ispitivanje zaštite od istovremenog direktnog i indirektnog dodira dijelova pod naponom,
- ispitivanje zaštite od direktnog dodira dijelova pod naponom (izoliranje, pokrivanje, prepreke, prolazi, zaštitni uređaj diferencijalne struje),
- ispitivanje zaštite od indirektnog dodira dijelova pod naponom izvedenim u TN, IT i TT sistemima (ispitivanje otpora petlje, mjerenje struje kratkog spoja i ispitivanje zaštitnih uređaja diferencijalne struje - FI sklopke, zaštitno izoliranje, galvansko odvajanje i izjednačavanje potencijala),
- mjerenje otpora izolacije elektroenergetskih postrojenja, električnih uređaja, električnih transformatora, električnih generatora, električnih motora, električnih kablova i električnih instalacija,
- mjerenje napona koraka i napona dodira, mjerenje napona uzemljivača i mjerenje iznesenog potencijala,
- mjerenje otpora pogonskih (radnih) i zaštitnih sistema uzemljenja,
- mjerenje otpora izolirajućih podova i zidova,
- pregled gromobranskih instalacija i mjerenje otpora uzemljenja gromobranskih instalacija,
- mjerenje dielektrične čvrstoće izolacionih medija,
- mjerenje inteziteta osvjjetljenosti,
- mjerenje otpora galvanske povezanosti (neprekidnosti) na instalacijama za izjednačavanje potencijala,
- pregled, ispitivanje i mjerenje uređaja za katodnu zaštitu,
- pregled i ispitivanje uređaja za zavarivanje, pregled i ispitivanje prijenosnih alata sa elektromotorom (mješalice, bušilice i sl.),
- ispitivanje, montaža i održavanje uređaja izrađenih u zaštiti IP i protueksplozijskoj zaštiti (EX izvedba), prema stručnom mišljenju EX-komisije broj: SM-19-15 od 03.06.2019.godine, **izdato sa rokom važenja od 3 godine,**

- mjerenje električnih veličina napona, struje, snage, energije, frekvencije,  $\cos \varphi$ , magnetskih i električna polja, kapaciteta, induktiviteta i otpora,
  - kontrola rada pokaznih i registrirajućih instrumenata i provjera redoslijeda faza u elektroenergetskim postrojenjima,
  - utvrđivanje termovizijskom metodom stepena zagrijavanja dijelova elektroenergetskog postrojenja i opreme, sabirnica, električnih uređaja i sl.,
  - specijalna mjerenja na električnim generatorima, motorima i transformatorima (mjerenje kapaciteta namotaja, mjerenje ugla dielektričnih gubitaka, mjerenje parcijalnih izbijanja, mjerenje napona osovine i napona ležajeva, mjerenje impedanse rotora i statora, utvrđivanje stepena zagrijavanja limova generatora, motora i transformatora, termovizijska ispitivanja itd.),
  - mjerenje statičkog elektriciteta,
  - ispitivanje VN elektroizolacione opreme.
2. Obavezuje se privredno društvo „MULTITEH-INŽENJERING“ d.o.o. Zenica na pridržavanje važećih propisa i standarda, te obavljanje odobrenih djelatnosti samo od strane stručno osposobljenih lica, i u skladu sa raspoloživim ispitnim i mjernim uređajima, instrumentima i razrađenom metodologijom.
3. Privredno društvo „MULTITEH-INŽENJERING“ d.o.o. Zenica dužno je da o svakoj bitnoj promjeni utvrđenih uslova za izdavanje ovog rješenja, u roku od 10 dana od dana kada je promjena nastupila, obavijesti ovo Ministarstvo.
4. Ovo rješenje, u skladu sa članom 24. Pravilnika o utvrđivanju uslova za obavljanje periodičnih pregleda, mjerenja i ispitivanja na elektroenergetskim postrojenjima, električnim uređajima, električnim instalacijama i izdavanju isprava ("Službene novine Federacije BiH", broj 18/15), podliježe povremenoj kontroli ispunjenosti uslova od strane ovog Ministarstva, vezano za pridržavanje važećih propisa i standarda, kao i ispunjavanje ostalih uslova u skladu sa navedenim propisima.
5. Ovo rješenje stupa na snagu danom donošenja, i **važi do 23.12.2023.godine.**

### O b r a z l o ž e n j e

Postupajući po zahtjevu privrednog društva „MULTITEH-INŽENJERING“ d.o.o. Zenica, sa sjedištem: ul. Envera Čerkeza broj 2, Zenica, broj:11-10/2019-KM od 11.10.2019.godine i njegovom dopunom od 09.12.2019.godine, za izdavanje odobrenja za obavljanje poslova periodičnih pregleda, mjerenja i ispitivanja na elektroenergetskim postrojenjima, električnim uređajima i električnim instalacijama na elektroenergetskim objektima i građevinama i izdavanju isprava, u skladu sa odredbama Pravilnika o utvrđivanju uslova za obavljanje periodičnih pregleda, mjerenja i ispitivanja na elektroenergetskim postrojenjima, električnim uređajima, električnim instalacijama i izdavanju isprava ("Službene novine Federacije BiH", broj 18/15), potrebnih za obavljanje poslova u okviru registrovane djelatnosti, kako stoji u zahtjevu, Federalno ministarstvo energije, rudarstva i industrije je rješenjem, broj:UP/I-05-17-588/19 od 24.10.2019.godine, obrazovalo Stručnu komisiju koja je, uvidom na licu mjesta, izvršila pregled radnog prostora, sredstava rada, ispitnih i mjernih uređaja, instrumenata, tehničke i ostale dokumentacije, metodologije ispitivanja i mjerenja, općih akata i dosjea stručnih kadrova, i izvoda iz sudskog registra, te o izvršenom pregledu, u skladu sa članom 15. Pravilnika o utvrđivanju uslova za obavljanje periodičnih pregleda, mjerenja i ispitivanja na elektroenergetskim postrojenjima, električnim uređajima, električnim instalacijama i izdavanju isprava ("Službene novine Federacije BiH", broj 18/15), sačinila zapisnik, broj:UP/I-05-17-588/19 od 29.11.2019.godine, kojim je konstatovala utvrđeno stanje i dala svoje mišljenje oko ispunjavanja uslova vezanih za obavljanjem poslova, koji su traženi podnesenim zahtjevom.

Tokom pregleda Stručna komisija je utvrdila da privredno društvo „MULTITEH-INŽENJERING“ d.o.o. Zenica raspolaže radnim prostorom, odgovarajućim sredstvima rada, mjernim i ispitnim uređajima i instrumentima, razrađenom metodologijom ispitivanja i mjerenja, kao i stručnim kadrovima potrebnim za obavljanje poslova navedenih u tački 1. ovog Rješenja, odnosno da ispunjava odredbe Uredbe o uslovima koje je društvo, odnosno drugo pravno lice dužno da ispunjava u pogledu broja zaposlenih radnika radi obavljanja registrovane djelatnosti ("Službene novine Federacije BiH", broj 15/98), kao i odredbe čl. 6., 7. i 10. Pravilnika o utvrđivanju ispunjavanja uslova za obavljanje periodičnih pregleda, mjerenja i ispitivanja na elektroenergetskim postrojenjima, električnim uređajima, električnim instalacijama i izdavanju isprava („Službene novine Federacije BiH" broj 18/15), a što odgovara poslovima za koje je traženo odobrenje u podnesenom zahtjevu, te opremi kojom pravno lice raspolaže.

Na osnovu navedenog odlučeno je kao u dispozitivu.

Federalna upravna taksa na podnijeti zahtjev i izdato rješenje o ispunjavanju uslova za obavljanje navedenih poslova uredno je naplaćena po Zakonu o federalnim upravnim taksama i Tarifi federalnih upravnih taksi („Službene novine Federacije BiH", br. 6/98, 8/00, 45/10 i 43/13), i to na podnijeti zahtjev po tarifnom broju 24a u iznosu od 10,00 KM, te za Rješenje o ispunjavanju uslova u iznosu od 87,00 KM po tarifnom broju 19. tačka 3.

**Pouka o pravnom lijeku:**

Ovo rješenje je konačno u upravnom postupku i protiv njega nije dozvoljena žalba, ali nezadovoljna stranka može pokrenuti upravni spor podnošenjem tužbe. Tužba se podnosi Kantonalnom sudu u Mostaru u roku od 30 dana od dana prijema ovog rješenja. Uz tužbu se prilaže i ovo rješenje u prepisu ili kopiji.

  
**MINISTAR**  
Nermin Džindić